

IZVOD IZ ZAPISNIKA

sa održanog 2.sastanka Privrednog savjeta Općine Bosanska Krupa

Sastanak održan dana 26.02.2015.godine u Maloj Sali Doma kulture u Bosanskoj Krupi sa početkom u 10,00 sati

Prisutni:

Armin Halitović, načelnik, predsjedavajući, Sejad Mujagić, zamjenik predsjedavajućeg, Mladen Lonić, Mirsad Alukić, Samir Mesić, Sadika Halitović, Šefik Veladžić, Nijaz Tatarević, Razija Skenderović, Hikmet Todorovac,

Prezentanti: Azra Veladžić, Asima Mušić

Ispred EDA, Agencija za razvoj preduzeća, Jelena Prohaska

Odsutni: Šehad Ćehajić, Zlatan Huzeirović, Jovo Adamović, Emir Mujić, Adem Šahinović, Samir Muminović, Esma Hergić, Ismet Pašalić, Haris Komić, Alen Redžić

Dnevni red:

1. Usvajanje Zapisnika sa I sjednice Privrednog vijeća,
2. Usvajanje Pravilnika o radu Privrednog vijeća,
3. Prezentacija projekta Certificiranja općina sa povoljnim poslovnim okruženjem - BFC,
4. Analiza predloženog teksta Upitnika za poslovni sektor,
5. Aktuelnosti u privredi u Bosanskoj Krupi,
6. Ostalo.

Predsjedavajući PV g. Armin Halitović otvorio je sastanak i dao predloženi dnevni red na glasanje. Dnevni red je jednoglasno usvojen bez primjedbi.

1.tačka:

G.Sejad Mujagić mišljenja je da je zapisnik sa predhodnog sastanka korektno urađen i smatra da nema primjedbi.Zapisnik je dat na usvajanje i jednoglasno je prihvaćen.

2.tačka:

Predsjedavajući g. Armin Halitović obrazložio je aktivnosti na izradi Pravilnika o radu poslovnog vijeća dat u predloženom tekstu i isti stavio na diskusiju.

Za riječ se javio g. Sejad Mujagić i skrenuo pažnju na vjerovatno tehničku grešku u članu 4. tačka 5. u drugom redu gdje bi umjesto u članu 5.stav 2.trebalo stajati u članu 7.tačka 2. Drugih primjedbi nije imao.

Predloženi Pravilnik je usvojen uvažavajući primjedbu g. Sejada Mujagića.

3.tačka

G.Armin Halitović ukazao je na značaj aktivnosti koje se provode u cilju otklanjanja barijera prema uvjetima BFC-a i prijave općine za dobijanje certifikata općina s povoljnim poslovnim okruženjem od značaja za razvoj lokalne uprave.

Projekta BFC-a je prezentirala g-đa Asima Mušić presjekom zahtjeva, do sada obavljenih aktivnosti i pregledom radnji koje predstoje u narednom periodu.

G.Mladen Lonić se priključio sastanku.

G.Armin Halitović je naglasio da je BFC ozbiljan projekat za lokalnu zajednicu.Napomenuo je da lokalna uprava ima dosta uređen sistem i da sada očekuje značajnu podršku poslovnog sektora i inicijativu u zajedničkom naporu stvaranja ambijenta u koji će investitori željeti ulagati.

G.Samir Mesić je istakao mišljenje da je potrebno dobro razmisliti o dobijanju certifikata obzirom da su u pitanju standardi i ispunjavanju kriterija. Postavio je pitanje: da li je izvršena analiza zašto svi prijavljeni gradovi nisu dobili certifikat iako su uložili dosta napora kao npr. Banja Luka? Smatra da bi trebalo razmisliti da li je bolje ne dobiti certifikat nego ga nakon dvije godine izgubiti.Ističe da je važno znati da li se kvalitet može održati, jer gubitak certifikata je lošija poruka od njegovog dobijanja ako je ova sredina nespremna za održavanje kvaliteta koji se zahtjeva. Certifikat po njegovom mišljenju nameće obaveze, ulaganja sredstava i ljudskih resursa.

G-đa Asima Mušić rekla je da će bez podrške privrednog sektora biti teško dobiti certifikat iako je do sada uloženo mnogo napora od strane uposlenih u organima uprave.

G.Sejad Mujagić smatra da je prijava za certificiranje korak naprijed u razvoju općine.Ističe da je učestvovao u aktivnostima dobijanju certifikata za preduzeće i da se uz podršku konsultanata može dobiti certifikat za lokalnu zajednicu.Važan element u tom procesu je motivacija svih uključenih u proces. Za postizanje kvaliteta nužna je spremnost svih uposlenih i tako neće izostati dobijanje i održanje certifikata.Voditi računa da se među svim učesnicima uspostave dobri odnosi, ostvari kvalitetna saradnja sa realnim sektorom, a uposleni moraju biti spremni da provode sve procedure u postizanju kvaliteta.

G.Samir Mesić smatra da je prije svega potrebno usvojiti kriterije, stvoriti sistem koji će funkcionirati, provjeravati kvalitet, analizirati sve procese svakodnevno, usvojiti ponašanje koji doprinosi kvalitetu pa tek onda podnijeti prijavu za certificiranje.

G.Armin Halitović naglašava da se u ovu proceduru ušlo iskreno i već dosadašnjim aktivnostima smatra da je stanje unaprijeđeno i treba dalje težiti dobijanju certifikata.

G. Nijaz Tatarević je rekao da je važno napraviti prvi korak i to je učinjeno.Ističe da je na svima obaveza da zajednički djeluju i da se postigne poboljšanje u zajednici. U ovom procesu će se identificirati nedostaci, učiniti napor da se odklone i da je sigurno da će zajedničkim djelovanjem i doprinosom privrednika biti postignut cilj poboljšanja ambijenta u zajednici što bi trebalo rezultirati privlačenjem novih investitora i novih ulaganja privrednih subjekata u proširenju poslovanja na području lokalne zajednice.

4.tačka

Predloženi upitnik prezentirala je Azra Veladžić koja je učestvovala i u kreiranju. Rekla je da je upitnik rađen na osnovu smjernica, a služiti će za prikupljanje podataka o poslovnim subjektima koji djeluju u lokalnoj zajednici potrebnih za formiranje baze koja je u postupku izrade. Prenijela je da je kontaktirala sa g. Ismetom Pašalićem, predsjednikom Privredne komore USK-a, koji nije mogao biti prisutan na ovom sastanku i koji je dao primjedbu na sadržaj upitnika. Kako je iznijela mišljenje g. Pašalića Upitnik ne bi trebao da sadrži tačku 12. I 13. koji se odnose na rad PK USK i zadovoljstva njihovim djelovanjem, te je zahtijevao da se ove dvije tačke brišu.

G. Sejad M. Smatra da ova navedena pitanja nisu od značaja za podatke koji se trebaju prikupiti i analizirati, i da iste treba isključiti iz upitnika. Mišljenja je da su ista kreirana da bi se dobili odgovori na nešto što ne dostaje, a čime bi mogla ova institucija da raspolaže.

G-đa Jelena Prohaska kaže da je upitnik rađen prema upustvima i predlaže da se sporno iz upitnika preformuliše u smislu „ da li postoji neki problem koji bi se trebao kvalitetnije rješavati na nivou viših institucija (ne samo komore)“ i da bi to bio dobar podatak jer bi se omogućilo privrednim subjektima da ukažu na probleme na koje nailaze.

G. Mladen Lonić je saglasan prijedlogom g-đe Prohaska mada smatra da i direktni odgovori na predloženi upitnik ne bi trebali da vrijeđaju nikog bilo pozitivno ili negativno.

Zaključak: preformulisati sporne tačke 12. I 13. Iz Upitnika uvažavajući prijedlog diskutanta.

5.tačka

G. Armin Halitović napominje da su dati neki podaci o stanju u općini prema pokazateljima Federalnog zavoda za statistiku u materijalu prije sastanka koji se mogao pročitati.

Po ovoj tački dnevnog reda nije bilo komentara i time je zaključen rad Privrednog vijeća.

Sastanak završen u 11,25 sati

Sekretar:

Selma Šehić